

全史詳校

伊8
2.611
9



門 2611
卷 9



金史詳校卷八下

烏程施國祁學

卷九十三

目 宣宗王子 王當作諸

鄆王琮傳

封裕陵充華 案充華之名與下從彝傳之温妃從憲傳
之茂儀玠傳之婉儀皆不見于官志大抵東宮妃號
章宗卽位 案永中傳與諸弟各賜金銀云云卽指琮等
惟永中等皆封王出到任所諸弟皆封王留京師而已
傳文互見

霍王從彝傳

温妃石抹氏 案官志宣徽院內侍局有裕陵温妃卽此
詔追封故魯王永功爲趙王以從彝爲趙王後 十八字
當改作幸崇妃第以顯宗母弟故魯王孰輦爲妃養子
追封趙王以從彝爲之後 案永功傳卒于興定五年
當明昌時不得言追言故一也又永功八改封鄭隋曹
冀魯鄆 譙
終于越王並無追封文二也永功自有三子彌孫壽
孫枯沒
不必立後三也史官脫去章宗幸第追封改立等事
又誤孰輦爲永功遂致紀傳不合說已見章紀
瀛王從憲傳
本名吾里不 案世宗紀大定二十三年十月庚戌賜皇

孫吾都補洗兒禮卽此傳略宗室表作吾里補

洪靖傳

明昌三年 此下當加生

洪熙傳

本名訛魯不 魯北作會非

加開府儀同三司 北無加字非

洪輝傳

承安二年五月生 案章紀有詔降死罪釋徒以下報祀

高禴等文傳略

作普天大醮七日 案雲光集王處一事見金源雜興
皇嗣詩注

貳隣傳

亳州太清宮

案淳南集太乙度師事

亦見雜興詩注

衛紹王子傳

按辰 案永蹈傳同衛王紀作按陳地志蓋州云辰陳同

音是也

鞏王 案移刺福僧傳至甯元年除鞏王傳又宣紀貞祐

三年令司屬令護治鞏國公第殆卽按辰之降封

餘勿傳 案宣紀貞祐三年四月壬子芮國公從厚薨宗

室表不載又高霖傳爲韓王傳乃大安初所封者移刺

塔不也傳爲曹王傳亦在大安崇慶時攷世顯二宗諸

子皆無此封則芮國韓曹或卽六子之勿傳者耶

從恪爲左丞相

左當作右 紀

莊獻太子傳

二年四月 四巳作五

留守中京 京當作都

召至汴 案官志宣徽使下有懿安家令丞貞祐三年爲

莊獻太子設傳略

謚莊獻 案宣紀興定元年二月丙子議置太子廟傳略

立其子鏗爲皇太孫 案宣紀貞祐二年九月壬戌朔生

三年五月辛未立七月丙子省奏給歲賜錢上不從傳

略

十二月薨 案宣紀癸丑薨以殤無祭享之制

荆王守純傳

奴失不處死除名 處當作免

天興元年二月 二當作三 紀

獨古思忠傳

本名千家奴 此下當加初名永忠避諱改 紀

入為簽樞密院事 此上當加泰和初 表 此下當加使

宋還 紀表

彼將誤也 也當作我

思忠坐解職 解職當作除名

承裕傳

歷會州惠州刺史 案惠州即地志大定府神山縣承安

二年置

屯成紀界 案章紀泰和六年伐宋作屯隴州出來遠

斬楊雄李珪于陣 珪北作瑾非已改

遷河南東路統軍使兼知歸德府事 案南京分東西路

地志不見

贊 承裕 裕北作祐非

僕散揆傳

尙韓國大長公主 大長二字當削

赫沙阿 阿當作河

罷職 事見宗道傳

性喜靜好事 好上當加不

乃免死除名 案章紀明昌六年十二月丞相襄率駙馬

都尉僕散揆進軍大鹽濼揆不書官卽除名事且與下

文兩戰功合

拜參知政事 案章紀承安四年三月乙卯請罷提刑五

月庚戌以不雨待罪傳略

所親獲鹿尾舌爲賜 所當作以

宋人服罪卽罷宣撫使 九字當削取章紀泰和五年時

宋殿帥郭倪 至 新置弓箭手一百三十八字改入此

命揆爲右副元帥 右當作左

十一月 一字當削

果奉書乞和 奉北作奏非

引大醫診視 大元作太是

抹撚史挖搭傳 此傳當改入忠義

郭倬李汝翼 此上當加宋

內族宗浩傳

爲賜宋主趙昶生日使 趙昶二字當削

所部必列土 必元作迺是

撒與廣吉利部長 利當作刺

盡令徹戍而南 徹當作撤

豈基元元無窮之困 豈當作是

歛軍徹戍 徹當作撤

突我守圍 圍當作圍

向汴陽乞和時 陽當作梁

金五百萬兩銀五千萬 兩字當削

如李大性朱致和 大北作犬非 和元作知

卷九十四

夾谷清臣傳

烏古孫麻發 發當作潑

河南統軍宗正 正已作尹

遷烏古十壘部族節度使 十當作石

授右副都點檢 此下當加使宋還紀表

兼知京兆府事 臨潼縣九陽鐘銘大定二十一年重鑄

銜列京兆尹本路兵馬都總管卽此

內族襄傳

丞相襄 當作內族襄目

率右翼 右當作左

是用委以政機 政機當作機政

由是二稅戶多為良者 食志明昌元年六月奏北京等

路所免二稅戶凡一千七百餘戶萬三千九百餘口

嘯取北京臨潢之間 取元作聚是

解所服玉貝佩刀以賜 貝元作具是

乃移諸紉居之近京地 案此及下文裔戰失律事知李

愈傳言北部侵伐舊疆千有餘里不謀雪恥云云非虛

言也

明年 二字當削

時議北討 元史太祖紀會塔塔兒部長背金約金主遣

完顏襄率兵逐之北走即此

及后土方嶽 此下當加既而止之師兒傳

次芝田之府店 店北作唐非

夾谷衡傳

尋出行省于撫州 案時為明昌六年十月此行省之始

完顏安國傳

姿國沈雅 雅元作雄是

選充虞王府掾 虞王即夔王允升文定十一年封

賜虎符還邊 還當作巡

瑤里孛迭傳 案回鹘保傳奚姓五族有遙里氏世宗紀

大定二十四年有侍御史遙里特末哥耶律塗山傳遙里相溫伯德窳哥傳姚里鴉胡姚里鴉兒元史耶律留哥傳妻姚里氏使金錄有內使閤祇姚里鐸皆是

遷徐王府掾 案世宗子永蹈永升同封徐皆大定十一年

後授鎮甯軍節度使 後當改作二年 志撫州

承安二年 四字當削

戰移密河勝 移密河即宗浩傳之移米河 勝下當加之

卷九十五

移刺履傳

卿不見劉仲晦張汝震耶 晦元作誨是 震元作霖是 初議以時務策設女直進士科 案盛如梓庶齋老學叢

談引其語

轉尙書禮部員外郎 此下當加為高麗使 案遺山集

右丞碑文作奉使江左非

皆聖賢純全之道 全碑作一是

移梓宮壽安宮 案是年宮名尙未改碑作萬甯宮非

河溢曹州 案此對碑文不載

是日履所生也 六字當削 案碑文無

張萬公傳

就陞司直 案遣山集壽國碑文有十九年遷武甯節度

副使二十一年召為右司都事又攝同知登聞檢院傳

略

尋為彰國軍節度使 案萬公自中丞出為節度非責降

也元碑引諫立后語并援諸人事以證其外補與時事

不合史不取之是也

且捧書言曰 且捧當作因上

可斂不及民而無待於奪民之田 而下當加足碑

蒲察通傳 案此與粘割幹特刺程輝黃久約三傳皆當

改次八十八卷移刺道傳後

中都路胡土愛割蠻猛安人也 土北作上非

授頓舍 此下當加使

令通率騎 通字當削

賜以金 此下當加帶紀

除殿前都點檢 此下當加為賀宋使紀表

欲令通為之 通字當削

封任國公 案靈巖寺滌公開堂疏後題平章政事宗國

公蒲察通山左金石志引官志避諱易任是也傳似不

應略去

舉太子率府完顏守貞 府下當加率 案守貞傳不載是官

監察御史裔 案裔無傳章紀大定二十九年正月山東統軍裔以私過都城不赴哭臨笞五十降授彰化節度承安二年北京留守裔以行省失職杖一百除名似不得爲名臣

粘割斡特刺傳

轉右將軍 右下當加衛

及射往馬一 往已改生

程輝傳

再遷戶部尙書 此下當加爲賀宋使紀表

何以辭爲 辭爲當作爲辭

世宗怒監察不舉劾 劾北作核非

視彼无重 无元作尤是

神童嘗添壽者 嘗當作常

劉瑋傳

徙知大明府 明當作名

入拜尙書右丞 案禮志雜儀有拜數之對傳略

董師中傳

召爲大理卿 太元作大是

迺罷北幸 迺北作遣非

上欲復用 此下當加之

王蔚傳

汝在海陵時行事多不法 見李通傳

馬惠迪傳

超授御史中丞 此下當加宋使還表

時烏底改叛 案此與世宗紀大定二十六年文小複

馬祺傳

前令要介 案介字伯升見遺山集忻州學疏

然性吝好利 見晉持國傳

楊伯通傳

宏州人 案伯通墓在宏州宣府志以為遼人非也

尼龐古鑑傳

召授國子助教 案完顏匡傳有策題事

明昌五年 此下當加九月使宋還表

卷九十六

黃久約傳

升待制 重修中嶽廟碑題銜充翰林待制同知制誥黃

久約撰文即此

為賀宋生日副使 紀不載表在大定二十六年八月

見貢新枇杷子者 新枇杷子當改作荔支 案久約使
還在冬時知非枇杷子也紀作荔支無新字當作乾荔
支耳

未可使去左右 使當作便

遷太常卿 太北作大非

豈能皆有知人之監 監北作鑒是

李晏傳

皇統六年登經義進士第 中州集作二年

調岳陽丞 岳陽中州集作臨汾

丁內艱 內已作外

除西京副留守 拙軒集有送之任雲中詩卽此
諭之曰 之元作旨

幽王年少 卽永成

錦州龍宮寺 中州集作遼東閭山

於是獲免者六百餘人 中州集作三百家

尋爲賀宋正旦國信副使 紀不載表在大定二十七年

十一月

爲澤州刺史以便侍養 案此與張萬公之東平張大節
之震武路伯達之安武同

承安二年卒 秋澗集過游仙李節使墳詩大定明昌五

十年當時人物玉堂仙朝來書案山前過瞥見堂封一
慨然卽此

李仲略傳

爲立夏國王讀冊官 明昌五年正月

兼翼王傳俄兼宛王傳 翼當作冀 卽永功永升

李愈傳

授曹王傅 卽永升

愈嚮陳備禦北邊策言甚荒唐 策下當加甚可嘉朕故
用之至議河決徒能張皇水勢月日尙不知 案上文
愈奏北事上嘉其忠不應有荒唐之論乃胥手脫寫一

行抹去河渠志議河文字是以上下文不貫中間補明
數語則荒唐二字自有歸宿且與守貞前後兩對正合
尋爲賀宋正旦副使 案明昌後紀表皆不載副使此當
爲承安四年范楫五年紇石烈忠定泰和元年紇石烈
七斤之副

三又尤近北陞 世宗紀大定六年七月次三又口八年
七月次三又口完顏綱傳三又口置捺鉢

許安仁傳

獻州交河人 案中州集云河間樂壽人獻州本樂壽縣
地舊屬河間惟安仁於大定七年中第而立縣卽在是

年史承其科第籍貫也

故為時人所稱云 金石後錄重建唐德宗詩碑許安仁

撰并行書大定十六年七月在濟源

梁襄傳 此傳當改入九十七卷韓錫傳後

召為薛王府掾 即承德

奪攘蹂躪 躪當作躪元作躪尤非

川有高殿廣宇 川當作非元作亦尤非

坐致宋做 做當作幣

太康吹於洛汭 太北作大 吹當作吹

畏魏徵而停 停上當加遂

則有後難必矣 難當作艱

以遂水草牧畜為業 遂元作遂是

上京之人 上當作燕

坐失察宗室奔事 奔即名三寶者有傳在六十六卷

路伯達傳

字仲顯 案靈巖詩刻題冀州節使路伯達中州集作字

伯達非也

博學能詩 案中州集伯達有母為買書事傳略

會安軍節度使王克温 安下當加武 案此据紀大定

二十八年文交聘表及中州集作武安非

右丞劉璋 右丞當作參政 案此議移天壽節諸臣詳
張汝霖傳據改

嘗使宋回 案使事當在明昌承安間紀表於副使多不
載遂不可攷惟獻所得金銀可爲故實

字叔和 當作字和叔

卷九十七

裴滿亨傳

內侍梁道兒 見李妃傳

幹勒忠傳

兼沂王傳 卽從彝

張大節傳

擢天德三年進士第 中州集作天眷中非

進工部郎中 案河渠志大定十八年有修隄董役事傳

略

留知大興府事 案中州集復云厯咸平尹吏部尙書傳
不見

張巖叟傳

字孟弼 孟中州集作夢

退寓洛陽卒 中州集作終於集慶軍

張亨傳

累遷尙書左司郎中 案表大定十二年以右司員外郎使高麗十六年以左司郎中使宋傳並略

已而復謂宰臣曰 復當作上

韓錫傳

四遷尙書戶部侍郎 戶當作工 案此据正隆二年正月授杖文且下文皆言工部事

鄧儼傳

其命儼往

案表大定二十一年為宋副使紀略傳亦不

書

賀揚庭傳

南人曠直敢為漢人性姦臨事多避難 曠當作獷 案

世宗此論以河南山東為南人故上文懿州鄧儼大興

張亨皆稱漢官迨元世則以契丹高麗女直竹因牙竹

赤牙木里闊牙竹温渤海八種為漢人中國為南人

闕公貞傳

累進大理卿 案刑志明昌五年為律義覆定官

焦旭傳

四遷都水監 案河志稱戶部郎中

劉仲洙傳

陞為定海軍節度使 案元梁宜順州廟學記云明昌初

提刑萊州提刑似譌

仲洙兄仲淵 部曲錄仲淵字介石燕山人宣朝狀元及第是年出日月得天能久照賦亮時為翰林待制葛王立遷知學士

李完傳

以六部令史久者補吏 吏字當削

有治劇材 材元作林非

馬百祿傳

父柔德 族帳部曲錄馬柔德字周卿廣甯人狀元劉仲淵榜及第嘗時坐田穀等欺罔黨錮貶為庶人葛王立

復官授刑部員外郎 案孟浩傳不載柔德事本傳但云復召用不詳何官故取范錄補

季京 季元作李

劉璣傳

字仲璋 部曲錄劉璣字仲章益都府臨朐縣人幼年被掠在葛王家葛王父潞王放從良應舉狀元楊建中榜及第葛王立授左拾遺凡事多取謀於彼其人足於智略又以温粹士多歸之

汝職掌教道 道當作導

朕聞璣在北京 朕北作脫非

轉國子祭酒 此下當加為冊夏王使紀表
劉琬傳

庶幾能贊朕致太平矣 致北作至非

再轉近侍局使 此下當加使夏還表

召為同知宣徽院事 此下當加為賀宋使表

與張僅言 僅已作謹

襄事 此下當加畢

以其弟太府監璋為同知宣徽院事 太府監當作戶部

郎中 案璋傳同知宣徽在大定二十三年太府監在

二十四年據傳改

移刺益傳

召為樞密院知法三遷翰林修撰 案孟鑄傳明昌元年

御史薦益以應奉翰林文字詔除修撰党懷英傳以應

奉為遼史編修官傳略

卷九十八

完顏匡傳

蓋取宗翰與睿宗定策 宗翰與睿宗當作睿宗與宗翰

二月甲辰 二元作三

歷本局副使 此下當加使高麗還

局使 此上當加進近侍

再兼大理少卿 大北作太非

佐匡宴會費 匡字當削

守尚書左丞 案章紀匡於承安四年正月為右丞泰和

三年正月轉左丞傳略

進世宗實錄 世當作顯

侂胄嘗再為國使 表大定二十九年閏五月為賀登位

使明昌六年九月為賀生辰使

於是罷河南宣撫司僕散接還朝 十三字當改入上今

黜之矣文下 案紀表載揆還朝在五年八月傳安得

書於九月紇石烈子仁使宋還之後且與上文有備無

患語意不貫此係抄胥之稍解文字者誤脫而牽補於此

烏古孫乃屯 乃當作兀

雲夢漢川 夢下當加孝感紀

詔匡權尚書右丞 匡字當削 丞下當加相

詔匡先取襄陽 趙萬年襄陽守城錄開禧二年四月荆

鄂都統趙公瀄被命守襄陽十七日聞金人欲於白河

口過江公單騎至江頭看有無船筏至中途遇統領董

口張珍報隔江有金人叫言完顏相公欲請招撫打話

及到江頭完顏果至綠水隔一洲公即渡往洲上相去

四五十步有打紫繖稱都統相公者完顏匡也其人身材長大年約五十以上前後人從整整圍繞數重公只將數人亦張蓋立於洲上彼傳語云招撫管軍不易又言我屠棗陽下光化席卷神馬坡又發人馬去取隨信德安招撫可及早拜降公荅云自古用兵有勝負你有軍馬我亦有軍馬所在爲備你何曾取了我州府這般言語只是恐嚇得百姓莊農本朝軍馬已於下江清河口殺北軍甚多燒了船千百隻想你不知彼又言你師出無名公荅云兩國和好多年我本朝亦要甯息爲因南北權貨相通商旅因買賣或生仇隙至相殘害我朝

廷曾降真榜約束邊民如有輒過北境者依軍法處斬緣小人喜亂南北之人互相抄掠牛馬因而引惹生事遂至今日彼又言都是皇甫斌公云正緣是他容蔽此事朝廷已將他遠竄海外彼言好好招撫說得分曉又言我得皇帝聖旨不殺南邊百姓公云你將我邊民殺了許多卻如何道不殺彼言不曾都自安業爲一家人又言我北軍東已自海泗西已自川蜀有二三百萬軍馬分頭併取你州府席卷而來襄陽雖有城池亦不可恃招撫太尉如此分曉豈不察天意我得指揮取襄陽且看襄陽許多生靈面上早日拜降我也不及襄陽府

城便自回去公即叱之曰各事其主惟當以死報國安
有降理我只有韋孝寬故事你有軍馬我亦有軍馬我
更有長江之險無限戰船以待你來完顏語塞遂言招
撫好將息上馬搥鼓而去 案宋書張暢守彭城與北
魏李孝伯對語齊書崔慶遠守壽陽與魏孝文帝酬答
而史載趙滄止有焚樊城遁去一事此錄乃其幕客所
作語多附會未足盡據

以屏蔽蜀漢 此下當加詔略曰陝西一面雖下四州吳
曦之降朕所經略自大軍出境惟卿所部力戰為多方
之前人無所愧謝今亡伐之事責成卿等區區俘獲不

足羨慕果能為國建功豈止一身榮寵後世子孫亦保
富貴 案詔文見完顏綱傳力戰語指棗陽等事俘獲
語指女口事此語匡之詔不應謬入綱傳

匡久圍襄陽 匡下當加克荆門軍兼左副元帥 紀

轉左副元帥 五字當削

兼左副元帥 左副二字當改作都

僕散揆初至汴 初字當削 案上文已有初字

宗浩以方信孺輕佻不可信 四朝聞見錄方信孺使金
金元帥頗能詩索方聯句敵以失蜀調方云儀秦雖舌
辯隴蜀已唇亡方即應之曰天已分南北時難比漢唐

案錄稱元帥若指宗浩未必能詩若指匡自匡當局
後信孺已遣歸久矣語恐附會 又此帥或卽紇石烈
子仁蓋子仁在南征時曾作上平南樂府見齊東野語
然信孺詩語非能有加於金特強顏之詞耳本不足稱
述也

當遣朱致和吳瑄李大性李壁來 案四人皆比年使北
者致和承安五年正旦瑄泰和元年正旦大性承安四
年生辰壁泰和五年生辰
但邊隙旣開和議區區悔艾之實 議下當加方始
本欲易南地 南上當加淮

四月乙未 四當作閏
其遺詔略曰 至 擇可立者立之 一百二字當改入衛紀
立衛王文上

完顏綱傳

累官左拾遺 案綱爲監察御史見幹特刺傳此略
詔奏爲一道 詔奏當作奏詔

木虎高琪 琪北作祺非

攻鹽州 州當作川 紀

曹普賢眞授同知洮州事 眞北作貞非

宋吳曦將馮興 至 皆爲金軍所殺 一百四十三字當削

案此戰自屬承裕事已見本傳雖爲綱所提舉然與銀朮可傳督兵唐鄧文下載薩謀魯諸人戰功殊異

初吳玠吳璘至與綱等諸軍相拒 一百九字當削作是

時 案曦戰鹽川秦州已見上文何煩再敘原其意因

下文有經略等事必先布置然引世系官銜如此莊敘

總屬閒文

上聞韓侂胄忌曦威名 聞下當加曦爲璘孫世守西土

固宜世胙大帥 帥北作師非

綱遣前京兆府錄事張 張下元有仔是

詔略曰至乃移兵趨襄陽 八十六字當削 案此詔應

入完顏匡傳

大定間汝主嘗以事入覲 交聘表二十六年賀萬春節

副使

詔高琪曰至勿有違枉生事 四十二字當削 案此詔

自見高琪本傳

詔徹五州之兵 案上文作四州

以近侍局直長 案此文下脫人名

完顏阿失 完元作兀與紀合

命綱子安和 紀作和尚

贊 富貴之感人 感元北並作惑是

卷九十九

徒單鑑傳

九年 當作十三年

奚階 玉篇韻籀文頤字

楊克忠 締達傳作張克忠

兼吏部侍郎 此下當加使宋 案据宋光紀補

鑑言人生有欲 此上當加章宗銳意治平嘗論宰臣何

以使民棄末務本 案文有脫譌故前言無因後語無

次今據紀補正

章宗銳意於治平鑑上書 十字當削作復上書

嘗陳隔塞之九弊 九弊當作弊九

或命節度定武 或當作故

淑妃李氏 淑當作元

烈風昏瞶連日 章紀承安五年十月志同

不惑於近習之靡 惑元作或非

光武再造漢業在位三十年無沈湎冒色之事 忘卻陰

麗華事

自中都至真定平陽置者 至 達於益都府 七十五字當

改入官志兵部遞鋪文下 案此等事不應略於志而

詳於宰輔傳

宋王柎 柎當作柎

素號富貴 貴當作實

平章政事移刺 案氏下脫其名

頃之鑑墜馬 頃之當作未幾 案文與上頃之下少頃

字複故變文

賈鉉傳

鉉上書曰 此上當加時重修律義有詔覆定 案文與

上刊修遼史不貫故據刑志補

按察官其檢察不如法者 按察當作提刑 其檢察當

作檢察其

然竟用卽康焉 章紀承安五年有山東括地事傳略

朕令以日合天統爲賦題 楊奐還山遺藁跋趙太常擬

試賦藁後云大定中君臣上下以醇德相尙學校自京

師達於郡國專事經術教養故士大夫之學少華而多

實明昌以後朝野無事侈靡成風喜歌詩故士大夫之

學多華而少實上病其然也當泰和丙寅春二月二十

五日萬甯宮試貢士總兩科無慮千三百輩上躬命賦

題曰日合天統侍臣初甚難之而太常卿北京趙公適

充御前讀卷官獨以爲不難卽日奏賦議乃定旣而中

選者才二十有八人僕時甫冠獲試廷下而席屋偶居

前列朝隙聞異香出殿棧間一紫衣人顧予起問題之
難易及名氏里貫年齒而去少頃復相慶曰適駕至矣
薄暮出宮傳以爲希遇嘗退而去後四十五年僕以河
南漕書告老於燕過太常之孫承祖家得所擬賦感念
存歿不能不惘然爲序其末并以舊詩歸之所謂月淡
長楊云云予少作也無可取以其紀一時之事庶附趙
氏家傳後或見於後世云萬甯宮詩云月澹長楊曉色
清天題飛下寂無聲南山霧豹文章在北海雲鵬羽翼
成玉檻玲瓏紅霧重金爐縹緲翠烟輕誰言夜半曾前
席白日君王問賈生

欲使自令積致學業而已 令元作今是

遂用之 此下當加九月乞致仕不許

致仕 此下當加崇慶元年起復參知政事 紀

貞祐元年薨 此下當加諡貞憲

孫鐸傳

爲右都管使宋 案都管官卑紀表例不載此當在章宗

大定二十九年二月報哀五月賀宋兩使中下文知檢

院在六月可據

每朝日奏十事 此下當加又諫罷圍獵上嘉納之 紀

鐸爲選首 此下當加尋使宋 紀

鐸心少之 鐸字當削

誦古人詩 古人當作張在 案已見卞傳

泰和七年 案食志五月與高汝礪論幣傳略

孫卽康傳

上問卽康參知政事賈鉉 康下當加及

若將示字 此上當加不

充字 此上當加顯宗廟諱

下字從世 世當作丑

有詔勿問 勿北作復非

李革傳

李革 歸潛志作李鞏

同知州事 此下當加某

拜參知政事 此下當加為修奉太廟使六月詔決京師

冤獄紀

卷一百

孟鑄傳

徒單繹 案與世戚傳者別一人

區種法自此始 案章紀承安元年四月戊午初行區種

一法此泰和四年不得言始

陳克俊 克已作景

今尚書省左右司官宿直 今北作令非

宗端脩傳

章宗避睿宗諱上一字凡太祖諸子皆加山為崇 章宗

中州集作衛王非 太祖諸子當改作睿宗兄弟 案

史名宗加山者不獨太祖子如崇成崇浩皆昭祖後

改宗氏為姬氏 又見忠義姬汝作傳 滏水集姬平叔

墓表云避簡肅皇帝廟諱改字曰姬

大定二十二年進士第 二十二當作二十五 表

釋之 案章紀有學博杖贖等事見下路鐸傳此略

為節度副使 為下當加磐安軍 案據中州集及汝作

傳

治氣養心而已 中州集作治心養氣是

完顏閻山傳

殺三百餘 此下當加人

三年朝廷以晉安行元帥府陀滿胡士門暴刻以閻山代

之 年當作月 紀 案胥鼎傳有晉安清野事傳略

路鐸傳

尚書左丞完顏守貞 此上當加先是

鐸上書 鐸下當加獨

頃之尚書省奏 頃之當作既而 案上下文皆有頃之

問趙晏所言十事 趙當作李

貞祐初城破投沁水死 案宣紀不載孟州城破死節事

當在二年正月元兵徇懷州時

完顏伯嘉傳

捕他盜不獲誣以準罪耳 當作捕真盜不獲假他盜誣

賊以準罪耳 案文有脫譌致不明順

乏兵食 兵字當削

次河池土濠村 河當作澗

無為他人所主 主元作先是

皆不足恃矣 案宣紀有六月行院許州事傳略

四年 案紀有四月提控防城事傳略

與平陽公史詠 案宣紀元光元年十二月有救平陽文

興定二年 二當作元

木虎筠壽傳 案此本遺山集墓銘傳者止載毬杖細事

可削

贊 而不悟也 悟北作悞非

張煒傳

泰和八年 八已作六

王謙 侯摯傳作王說

會河東兵敗 東當作堡

高竑傳

轉儀鸞局少府少監 案官志兼官

李復亨傳

滎州河津人 滎州二字當削 案此州為貞祐三年所

升故從李革傳例節去

轉河東北度支判官 北下當加路 度支當作支度

丁母憂 案歸潛志云拜參政父母俱存與此不合或其

父更娶後母也

實河南府三司使侯摯總之 河南府歸潛志作開封府

非

鄧州南 此下當加陽

趙秉文嘗請致仕 至致仕 二十二字當削 案秉文事

自見本傳與此何涉

復亨罷為安國軍節度使 復亨當削 安當作定

卷一百一

承暉傳 宋史作奕

召為刑部尚書 此下當加使宋 紀表

紇石烈執中伏誅 七字當改入上貞祐初文下 案宣

紀執中誅於元年十月辛亥至十一月庚午承暉始拜

右丞

右副元帥蒲察七斤以其軍出降中都危急詔以抹撚盡忠為平章政事兼左副元帥三年二月詔元帥左監軍永錫將中山真定兵 五十一字當改作中都危急詔以抹撚盡忠為平章政事兼左副元帥遣元帥左監軍永錫將中山真定兵進援三年正月右副元帥蒲察七斤以其軍出降 案盡忠拜官永錫援兵紀皆載於二年冬不應反在三年正月事後又七斤即前守通州者元帥左都監烏古論慶壽 此上當加復遣李术魯德 此下當加裕當不衍於旌賞 衍當作愆

候摯 摯北作繫非已改

抹撚盡忠傳

重綵百段 百北作十非

二年進拜都元帥左丞如故 十一字當削

胡沙虎之子 子當作事

遂并吾里也誅之 北無里字非 誅之下當加罪狀告

中外紀

僕散端傳

轉都點檢 此下當加使宋紀表

宋使皇甫拱 表作林拱

章宗遺詔 宗下當加崩

泰和八年 四字當削

二十日章宗崩 六字當削

太醫副使 太北作大非

端進拜右丞相 案衛紀十二月為左丞相三年十二月

罷崇慶元年五月以南京留守為河南陝西安撫使傳

略

明年中都失守 六字當削

無何 二字當削

未幾 二字當削 案文不及行半連用頃之無何未幾

三虛語可厭故存其一而削其二

納丹出 丹下文作坦

端招遙領通安軍節度使完顏狗兒 安當作遠

招諭臨洮荻黎五族都管青覺兒 案移刺成傳之結什

角為木波隴逋雁拜丙離四族長其地北接洮州積石

軍事在大定九年完顏綱傳之青宜可居古疊州四十

三族亦云北接臨洮積石事在泰和六年此青覺兒荻

黎五族亦近臨洮事在貞祐四年

汪三郎賜姓完顏後為西方名將 十三字當削 案三

郎元史有傳

興定四年 四當作元 案紀及承裔傳皆在元年

趙楠 見李俊民題登科記後詩語

耿端義傳

轉太常博士 太北作大非

中都解圍 圍當作嚴

李英傳

其先遼陽人 北重陽字非

中明昌五年進士第 北無中字非

事勢可知 此上疑有脫文

足以取給 給元作絡非

招募軍民 亦見侯摯傳

因獻十策 案下文止九策必有脫文

詔曰扈從軍馬朕自總之事有利害可因近侍局以聞

此數語又見把胡魯傳

士卒殲焉 士北作土非

李木魯德裕傳

市物虧直 此下當加解職

烏古論慶壽傳

從右副元帥 右北作古非

頃之完顏匡軍次白虎粒 頃元作須非 頃之二字當

削

久之起為保安州刺史 久之當削作復

頃之宣宗還汴 頃之二字當削

頃之中都不守 頃之二字當削

遷元帥右監軍 右當作左紀夏傳

卷一百二

僕散安貞傳

十二月辛亥 紀作乙卯

沒烈 卽惟鎔見六十五卷

二年十月 十月已作十二月

畫定期日 四字當作三年正月

下詔伐宋 宋甯紀嘉定十二年是春金人圍安豐軍滁

濠光三州遂分兵自光州犯黃州之麻城自濠州犯和

州之石碛自盱眙軍犯滁州之全椒來安及揚州之天

長真州之六合淮南流民渡江避亂金人游騎數百至

東采石楊林渡建康大震李全自楚州季先自漣水軍

來援金人乃解去 案文下敘戰事太簡并宣紀所載

破梁縣石埭山塗山等皆略去故引宋紀補之

三年閏月 三年二字當削

并其二子殺之 二紀作三

田琢傳

調甯邊在平主簿潞州觀察判官 中州集田琢燕子圖

詩自序云明昌丙辰予從軍塞外合虜里山明年受代

歸又八年泰和甲子任潞州觀察判官

易州刺史蒲察 此下脫書名

十月琢兵敗 月下當加元兵取成州 案文但云琢敗

不詳與誰戰攷是時元兵攻蔚州靈邱縣紀文用新陞

名書成州是也据補

琢移軍沃州 此上當加三年 紀

貞祐三年 四字當削

完顏弼傳

太名軍變 太元作大是

保濟南勤子堦 紀作大沫堦

四年 當作八月

封密國公 此下當加邦佐泰定軍節度 紀

歌詠投壺以為常 投壺二字當削 案弼無好士名即

所辟如承裔胡士門牙吾塔等皆麤材安知所謂投壺

者此史官率筆

蒙古綱傳

本名胡里綱 案元史作何立綱大約以為何其姓立綱

詳校八下傳

壹

其名而忘其氏族矣

拜右副元帥 案紀有擅械轉運李秉鈞事傳略

乃没烈復前職 當作乃奏復没烈前職

綱以山東 綱當作復

都俊 俊已作統

遣總領李术魯留住等 此下當加牙吾塔

攻破承安青陽寨 安當作縣志

侯進 元文類郭松年侯府君夫人李氏祠堂碑云夫人

生二子曰進曰慶金主徙汴進以吏事明敏為宗室完

顏公所知表授下邳帥府經歷以功累遷保靜節副癸

已没王事

必蘭阿魯帶傳

既而詔釋義軍 詔北作招非

臥沔池 沔當作澗

行尙書省於益都 案傳不言卒宣紀興定二年九月拜

行省十二月元兵平益都殆不知所終

卷一百三

完顏仲元傳

計約從坦等軍 從坦自有傳即阿鄰傳涿州刺史

臣得摧鋒 摧元作推非

言本八十一
令提控完顏阿鄰 完元作兀非

出兵使李辛可也 李辛即温撒辛白華傳為歸德行院

哀紀天興二年自汴出奔伏誅者

顏蓋蝦蟆 即郭蝦蟆

完顏阿鄰傳

本姓郭氏 歸潛志郭阿里俗號郭三相公

以功勞賜姓完顏 七字當削

遷通州防禦使 防禦使當作刺史 案地志通本刺史

州興定三年改未南渡前不合預書防禦

賜姓完顏 四字當削

徐州機察副使 察北作密非

守興平縣監酒 監北作祭非

改輝州經略使阿鄰 當作阿鄰改輝州經略使

出秦州 此上當加二年 秦北作秦非

守阜角堡 宋甯紀嘉定十一年二月丙午金鳳翔副都

統軍完顏贊破阜角堡死者五萬人三月戊子統制王

逸復阜角堡沔州郭雄斬贊首

據山之鎮 之當作爲

金兵敗 金字當削

阿鄰戰沒 案宣紀三月癸巳戰沒宋紀亦云斬首歸潛

志言馬倒被擒不知存沒非也

完顏霆傳

本姓李氏 案宋李全傳作李二措

劉璋說霆使出降 此上當加紮軍 案完顏佐傳有紮軍張暉劉永昌招佐等事此上必有脫文據加

賜姓完顏氏 案李全傳云金遣完顏霆爲山東行省

斬高太尉彭元帥於陣 彭元帥卽義斌

元光二年卒 宋濂翰苑續集棣州高氏先塋表金季有諱温者善騎射膂力絕人元兵攻棣州温聚民爲兵退之以功授漢軍謀克銀印已而帥師勤王遂入宿衛從

完顏霆與元戰累授山東經略副使金亾仰天哭曰國亾我何生爲將自剄左右奪刃勸之曰爾死無益於國徒傷二親心君親一也曷若存餘息以奉菽水乎君收淚謝之間關歸鄉里取戎器銷毀躬耕隴上日以娛親爲務 案此人當附霆傳末但諛墓之文恐不免濫美耳

烏古論長壽傳

充排翮翹軍千戶 翹當作翅 亦見完顏綱傳

取床川寨 床卽糜之別體見一切經音義

三年賜今姓 案宣紀九月賜包世顯包疙疸爲烏古論

氏疙疸卽長壽

扼渭堡 渭下當加源志夏傳

進攻西和洲 洲當作州

完顏佐傳

貞祐二年 二當作三紀

烏古論禮傳

充習騎 未詳

奧屯襄傳

意其協力盡心 協北作脇非

完顏蒲刺都傳

徙安國軍移紘詳穩 移下當加刺

遷鎮武軍節度 鎮元作震是

初置東西面經略司 此上當加貞祐

來谷石里哥傳

往宿遷取妻子 遷當作州

木甲臣嘉傳

二月破宋兵三千於漸湖灘 此上當加二年紀

遣張聰 聰北作聽非

二年賞征南功 二年當作七月紀

紘石烈桓端傳

徙東路宣撫司 東上當加遼

復掠上古城 古當作京

攻萬奴之衆於大甯鎮 卽蓋州秀巖縣

出宜風及易池 風志作豐 易元作湯是

改邳州刺史 案遼海節度每改刺邳州殆棄官而奔者

賊政萬圍沂州 政元作數是

分兵攻其山寨水堡 攻北作破是

完顏阿里不孫傳

歷越王濮王傳 指永功守純

五斤留江山守肇州 江山見完顏匡傳卽左翼提控

改陝西行省參議官 八字當改作棄官奔南京 案移

刺都不書棄官而書改官不知史臣何緣作此諱筆其

弊與紀書右丞同故正之

海奴 見張行信傳卽薦王澹者

溫迪罕青狗 元史耶律留哥傳甲戌金遣使青狗誘以

重祿使降不從青狗度其勢不可反臣之丙子青狗叛

歸於金

納合裕真授左都監 合已作坦

完顏鐵哥傳

適萬奴伐承充 伐元北並作代是

納蘭胡魯刺傳

襄稱能 能上當加其

料才壯為鄉兵 才當作丁

贊 往往在焉 焉元作為非

卷一百四

納坦謀嘉傳

轉少詹事 此下當加使宋

興定元年 當作貞祐四年

鄒谷傳

尙書省奏擬大理司直 擬北作議非

李炳 案炳乃與李妃通譜者宰臣畏其橫不敢言谷議

亦輕何況胥持國紇石烈執中乎

高霖傳

遷官三階 此下當加即為賀宋使 案紀表皆在閏九

月辛未知南迎諸妃後即使宋也

二年 此上已加貞祐

知大興府事 大北作太非

孟奎傳

改都轉運度支判官 度支當作支度

遼東契丹判余里也 判下當加官

嘗殺驛使大理司直 大上當加及

其一日 此下當加縣令佐

旱詔審錄中都路冤獄 早上當加夏

烏林荅與傳

武衛軍都指揮使 此下當加使宋表

郭侯傳

澤州人 澤北作潭非

温迪罕達傳

駐兵合思罕 復州關名見齊傳

王擴傳

調鄧州錄事潤色律令文字 事下當加不遣仍令 案

遺山集碑文云釋褐鄧州錄事時朝廷更定律令留公

不遣傳文太節則似在鄧州修律矣可乎

擇望重者一人萬戶 人下當加為

往商號 此上當加偕

移刺福僧傳

按察司專一體究 此上當加乞勅

舊有宿望雄辨者 辨北作辨非

奧屯忠孝傳

勾集妨農軍 當作勾集防河軍妨農事

復為沁南軍 此下當加使宋 案忠孝之使傳既不書

紀表皆脫惟宋甯紀慶元三年承安二年載為賀宋使又不

書何官無從攷補約略計之當在此時

拜參知政事 案宣紀貞祐元年不載

忠孝再括之 孝元作存非

不獨歸咎有司 獨北作得非

及論特末也 特末也即紀貞祐元年十月補外者

蒲察思忠傳

累遷涿州刺史 涿北作琢非

二年春享于太廟 案紀貞祐二年正月有司請權止今

年禘享朝獻原廟此殆奏告時享之禮

紇石烈胡失門傳

興定二年 二當作三

輒進兵 此下當加大掠大軍過之

野無所掠 掠當作資

完顏寓傳

俱為司天官 俱當作供

斡勒合打傳

調陰山尉 陰山已作山陰

遙授彰德軍節度使 德當作國

蕭察移刺都傳

武衛軍幹轄 幹當作鈐

兼左副元帥 案元史耶律留哥傳甲戌金左副元帥移刺都以兵十萬攻留哥拒戰敗之傳不載

卷一百五

目 孔璠注子拯 拯下當加總孫元措

溫迪罕締達 此下當加注子二十

程宋傳

歷翰林待制 此下當加使宋 案繫年要錄紹興十五年為賀宋生辰使紀表傳並略當為皇統五年

臣聞善醫者不視他人之肥瘠察其脈之病否而已語

本昌黎雜說

虞舜不告而娶二妃 此上當加又曰 案文論廣嗣當

與上論紀綱分條

而必行 此下當加之

議贈上太祖尊諡 贈當作增

任熊祥傳 部曲錄任熊祥燕人遼時及第葛王立除少

師

金人取均房州 金人當作及

及御題 題已作試

孔璠傳

熙宗卽位 卽位二字當削

是時熙宗至萬世高仰如此 八十九字當削 案文已

見紀與璠無涉

皇統三年 三已作二

孔拯傳

元措歷事宣宗哀宗後歸大元終焉 養新錄云孔氏祖

庭廣記十二卷先聖五十一代孫襲封衍聖公元措夢
得所編前載元豐八年四十六代孫朝議大夫知洪州
軍州事宗翰家譜舊引宣和六年四十七代孫朝散大

夫知邠州軍州事傳祖庭雜記舊序家譜雜記本各自
爲書元措始合爲一復增益編次冠以圖象并載舊碑
全文因祖庭之名而更稱廣記蓋仙源之文獻至是始
備書成於正大四年前尙書左丞致仕張行信爲之序
此本最後有五行書大蒙古國領中書省耶律楚材奏
准皇帝聖旨於南京特取襲封孔元措令赴闕里奉祀
來時不能挈負祖庭廣記印板今謹增補校正重開以
廣其傳壬寅年五月望日 案宣紀貞祐三年乙亥召
元措爲太常博士或言宣聖墳廟在曲阜宜遣奉祀上
念山東寇盜恐罹其害故有是命哀紀天興元年壬辰

元人理索元措等二十七家本傳略去是編書後云聖旨於南京特取正其官太常時也又攷滄水集張左丞碑文次女嫁孔元措則行信爲文人行正大四年丁亥作序時已再致仕矣

以主簿奉祀致仕 元無祀字是

范拱傳 案偽齊錄廢齊後差除作范恭

劉豫鎮東 東下當加平

而推轂士 士下當加類

張用直傳 繫年要錄作張利用

以教宗子 宗下當加室

召爲簽書徽政院事 徽政當作宣徽

劉樞傳

蔚州刺史 此下當加某

王脩傳

四遷大興府治中 中州集曹王尹大興脩然爲少尹永

功傳大定十八年

出爲同知北京留守事 中州集王移鎮北門復以同尹

從永功傳大定二十三年

使宋 表在明昌元年

固可從 可上當加不

改知大興府事 大北作太非

特授定海軍節度使 案中州集作定國軍非下文舊人
鎮撫等語以其前為泰定故也與同州何涉哉

若殿年降敘 若當作苦

楊伯雄傳 部曲錄楊伯雄咸平府人狀元劉仲淵榜及
第葛王立除翰林直學士

後隨晉主北還 還當作遷

皇子慎思阿不薨 卽矧思阿補

遂以太子詹事 此下當加使宋還 表在大定五年

有事可否 有事當作事有

楊伯淵傳

知泰安軍 安當作甯 案卽克州後改泰定者

蕭貢傳

字真卿 真北作貞

巧于案牘 巧上當加以

大安末 大北作太非

興定元年致仕 案移刺福僧傳有訪問時政事傳略

溫迪罕締達傳

子二十 累官左諫議大夫 使金錄嘉定五年崇慶正

月真定押宴橫海軍節度溫迪罕二十卽此

遷武勝州節度使 州當作軍

張翰傳

大安間 大北作太非

行省 此下當加備邊

贊 事宋事齊太祖皆見禮遇 已作會事宋齊至金皆

見禮遇

父子並列舊學 父上當加海陵 列舊當作承師

卷一百六

張暉傳

充宋國報諭使 紀表皆略當為章宗大定二十九年報

哀使王元德之副

明昌元年 元當作二

太祖時享 此上當加然

禮部尚書孫卽康鞠洽鎬王永中事還奏有詔復訊羣臣
舉暉及兵部侍郎烏古論慶壽上使參知政事馬琪諭
暉曰百官舉閱實鎬王事要勿屈抑其人亦不可虧損
國法上因謂宰臣曰鎬王視永蹈為輕馬琪曰人臣無
將由是永中之獄決矣 九十四字當改作三年遷太
常卿上問古三恪典故暉具以聞進拜禮部尚書六年
中丞孫卽康鞠鎬王事還奏有詔復訊咸舉暉上使諭

之曰百官舉閱實鎬王事要勿屈抑其人亦不可虧損
國法暉奏如卽康議尋以出師遣告廟社並充軍事計
議官復進大金儀禮 案禮部尙書四字上下無著必
有脫文鎬王獄事卽康已決詔復訊者不過掩人耳目
其諭旨語氣抑揚可見暉雖有情見亦僅如議而已上
謂宰臣下數語乃閑文與暉無涉且行間漏去遷太常
卿及告廟議軍進禮等事此何謂耶今並據紀改補
又案烏古論慶壽乃慶裔之誤

明昌六年 四字當改作是年

上復問曰僧道三年一試 至 是爲得中矣 八十二字當

改入下頃之文下 案議郊文中不應雜入此文細審
之乃倒寫耳 又案官禮部注僧尼見管及八十人道
士女冠及三十人放度一名與此文但云八十取一小
異

起爲安武軍節度使致仕 中州集元德明有張冀州致
政還鄉詩卽此

爲士族儀表 此下當加四年十二月卒謚清獻 案卒
年据張行信傳又遺山集御史張汝明墓表云日照清
獻張公父子當卽暉謚

張行簡傳

比遣使報哀 此下當加又曰

轉翰林修撰 修撰已作真學士

羣臣婁請上尊號章宗不從將下詔以示四方行簡奏曰

往年飢民棄子 案文詔卻尊號奏論飢民上下似不

相屬第攷章紀明昌四年四月辛亥請尊號不許下即

云丁巳賑河州飢又五年十月表請不允下亦云遣戶

部賑河決被災人民則詔奏相因例與紀合

以後不得復取 此上當加既棄

詔中書行之 中書當作尙書省三字元作書中亦非

須羣官 須已作領

七年 案章紀正月有對殿事傳略

累遷太子太保 案衛紀大安末有宿禁議軍傳略

尙書修史如故 案行信傳崇慶中有同修章宗實錄事

傳略

右丞賈益謙 益北作謚非

是歲卒 中州集楊之美撰墓銘滏水集有神道碑

贈銀青榮祿大夫 碑作金紫光祿大夫

賈益謙傳

字彥亨 中州集作亨甫

移刺郝 郝當作都

既而以議衛王事 衛當作鎬

喻之曰 喻北作諭是

移鎮河中 中州集有守絳州事傳略

三年召為尚書省右丞 省字當削 案右丞之拜宣紀

失書無月可據詳下文宜嚴河禁語當在四月後七月

前蓋紀四月有勿拒河北避兵民諭七月有譏察求財

聽渡事

三年八月 此上當加興定

興定五年 興定當削

及是史官 及是當作正大初 案中州集云哀宗即位

史官乞因宣宗實錄遂及衛紹王攷上文以章錄進呈
尚書省奏集以宣錄始事史官有言然其遣官就訪的
在正大初不得混兩事為一事

大定三十餘年 三當作二

劉炳傳

保障國家惟都城與附近數郡耳此地不守是無河朔矣

黃河豈足恃哉 都城當作河朔 河朔當作都城

案貞祐國勢必藉河北以障河南未有守河南可保河

北者炳策斷不出此興定初僕散毅夫請建都城四輔

宣宗尚不然之而高琪當局久已棄置河北此必其私

人竄改奏語

與宋王安石
殊墨實錄同

下文更加河北城邑何術可

保一問以混其迹思與河間城孤

貞祐三年七月
平陽城大年

八月請築南京裏城
四年十月等議合而不知文理之不通

矣史官不察濫入傳文尤不足校

术虎高琪傳

及素蘭請 此下當加見

素蘭奏曰 至 慎無泄也 三百十九字當削改作語詳素

蘭傳 此下當加三年中都久圍自李英潰後諸將皆

顧望無援兵承暉困守告急上議遣親軍救之高琪復

忌功不發以致都城不守 案不救中都乃高琪一大

罪案雖散見他傳而本傳不容反略

兵踰潼關峭沔 沔當作澠

遂寢 二字當削 案此傳中有三遂寢下文許古請和

宋眉鼎諫伐宋並云然然細審之實皆贅語耳

興定元年十月 興定元年四字當削

不足取遂寢 遂寢當削

無復可議遂寢 遂寢當削

自不兼樞密元帥之後常欲得兵權 案宣紀貞祐四年

二月甲申朔詔皇太子控制樞密院事乙酉平章政事

高琪表乞致仕不允即此

尚書省都事僕散奴失不以英王謀告高琪論死 十九
字當削改作僕散奴失不論死 案文已詳上何勞再
敘

移刺塔不也傳

伐西夏攻威靈安會等州 伐上當加議 攻上當加命

案西夏傳徒有其文實無其事

贊 謀之不密又爲外臣所知以告敗軍之將 案高琪
爲護衛宿直本近侍局舊人宮中密謀且預知之何俟
胡魯譎出之泄哉斬首以獻名雖請罪且自以爲功宣
宗下詔乃歸功近侍并不爲高琪出罪史臣未免不察

卷一百七

高汝礪傳

上從之 此下當加轉戶部侍郎

是歲十月 此下當加命爲講議所官

語在食貨志 案食志泰和七年五月議交鈔七月言辨
鈔十月議昏鈔十一月議置市及納鈔又田制文內泰
和八年八月有定佃荒田長制議傳略

拜汝礪爲參知政事 案宣紀以按察轉運使爲參政其
由戶部出莅外任者乃衛王時事傳略

反遭謗侮而已 此下當加甲寅命修章宗實錄

以賈全苗道潤等相攻不和 案苗道潤傳作賈全

末流至有算舟車 末北作未非

賜金鼎一 此上當加裏城畢工

十二月上復諭曰至上然之 五百三十八字當削 案

文滿紙諛詞何煩簡牘

五月 此上當加元光二年

配享宣宗廟 此下當加廷

為人慎密廉潔 為上當加汝礪 廉潔二字當削 案

下文有為相十餘年貪戀不去等語似不得稱廉潔然
傳中屢書乞致仕不許則譏其貪戀不去又似過當史

臣率意著筆不自知其矛盾也

張行信傳

行信以皇嗣未立 信下當加上崇節儉廣聽納明賞罰

三事又

若我軍時肯進戰 時下北有有字非

仍諭忠孝曰至姑從人便可也 二十九字當削 案文

已見忠孝傳此數語尤屬閑文

上曰朕始即位至忠孝不恤也 四十四字當削 同上

其勢漸消矣 其勢漸消四字當削

夫舊者人所素服 夫北作矣非

參議官王澹 宣紀貞祐二年正月乙酉徵隱士王澹不

至三年九月丁卯詔授隱士王澹諫議大夫充遼東宣

撫參議官四年三月己卯處士王澹以右諫議大夫復

遷中奉大夫翰林學士賜詔褒諭

有司論罪 司北作同非

今一軍充役 此上當加又曰

言事稍不及前 案哀紀正大元年有奏改的決事

游詠其間 間北作問非

卷一百八

晉鼎傳

求仕官 官字當削

劉伯林 元史有傳乙亥歲同本華黎攻燕京者

通販物料 料元作斛是

今入河南 入上當加北兵

臣以身先士卒 以當作已

鼎以將率兵赴援京師 以將二字當削 京師二字當

削

及山西河東 山當作陝

上命鼎選兵 鼎下當加移鎮陝西 李革傳

語在德升傳 案德升傳無議西征狀

鼎以祖父名章乞避職 案宋史慕容元釗父名章授以
同中書門下三品去平章字吳延祚同

然軍馬氣勢 然字當削

宜揚國威 宜元作宣是

遂詔諭之胥 之胥元作承裔是

令百里之內 元無之字

臣愚不知其可 元無愚字

仍遣侍官 侍上當加近

七月薨 此下當加謚惠簡 案遺山集內相銘云公娶

胥氏左丞通敏之孫平章惠簡之女 中州集胥莘公

神道碑雷淵撰

侯摯傳

以代張悛 悛元作煒是

而貞定守帥 貞元作真是

故有是命 案宣紀有命招邢州賊程邦傑事傳略

皆楊安兒劉三祖散亡之餘 三元作二是

擬駐兵於長清縣之靈巖寺 滌公開堂疏云利洽鄒齊

襟吞兗魯二百年叢林浩浩三千里香火幢幢卽此

十月先是邳州 十月先是四字當削

扇其軍爲 爲下當加變

至是以聞 至是當作十月
把胡魯傳

不詳其初起 案奧屯忠孝張行信兩傳皆云右司郎中
為貞祐二年四月在諫議前

二年 二當作三

是年十月 四字當削改作十一月 紀又合
達傳

因而肆赦 紀興定四年六月甲戌

以有開立功 守純傳上崩哀宗入宰相把胡魯遣人止
高汝礪不聽入宮撒合輦傳素蘭言策功第一非右丞
相無以酬之故命中輟

四月薨 四當作五 紀

師安石傳

以遺眾託安石 眾當作表

決杖追官 此下當加尋詔免罪 紀

卷一百九

目 許古 此下當加注陳豈附

完顏素蘭傳

付左丞象多以留口事 南本空缺一字元作後是北作

同非

福興口多 南本空缺一字元作象是北作素非

春官新設師保贊諭之官 新元作所是
陳規傳

宜於太陽孟津等渡 太元作大是

詔兩渡委官取其入 案物斛北渡官取其入紀始於貞
祐三年八月乙卯罷於四年四月丙申

而所存猶四十二萬有奇歲支粟三百八十餘萬斛 案

高汝礪傳云百萬口半給其直則為五十萬口歲支粟
三百萬石乃約計之而取成數耳又食志作四十四萬

八千餘口小異

頃次則排門擇屋 頃當作頓

其令御史臺諭之 案紀十一月有充安撫捕盜官事胥
鼎傳同傳略

四年三月 三當作四 撤合 輦傳

十月規與右拾遺李大節 至 朝廷快之 四十八字當削

案此文凡四見

又與大節言三事 又與當改作與李

後出為中京副留守未赴卒 寰宇訪碑錄中京副留守

陳規墓誌銘段成已撰正書憲宗八年稷山

許古傳

登明昌五年詞賦進士第 案澤州青蓮寺題名承安五

年為鈞州幕官傳略

臣頃看讀陳言 臣上當加又曰

此萬世不易論也 易下當加之

朕姑含容者眾 眾字當削

迺未見也 迺元作殆是

特免殿 殿下元有年字

致仕 滏水集有致仕制

金史詳校卷八下

庚午四月汪日楨校寫
于開元寺酒館捐局

